

Ubumi

Ipepala 5

hello@dignityonline.org.uk

+447340 573 937

Umuntu onse Alikwata Umulimo

Kwali icipushi icikulu nganshi mwi bala lyakwa shi bulimi umo ifi. Shi bulimi alisansamwike nganshi ilyo inshita yakuya cifumya yafikile pantu alishibe ukutula cili nokumupeela ulupiya ulwingi nganshi.

Awe shi bulimi aile mu kufumya icipushi cakwe. Aesha, aesha ukwimya icipushi cakwe, awe nakalya fye afilwa ukucifumya! "Shibulimi atile nalaya senda umukashi wandi," pantu amwene ukutula alekabila abakumwafwako uyu mulimo.

Awe shi bulimi no muashi wakwe baeseshe ukufumya icipushi cakupapa, lelo balifililwe ukucifumya! "Nalaya senda umwana wandi umulumendo," eflyo umukashi wakwa shi bulimi asosele, ico bamwene ukutula balekabila ubwafwilisho. Awe nao wine afililwe ukubafwa ukufumya icipushi ico. Baebele nkashi ya mulumendo, imbwa na pushi ukubafwako umulimo. Lelo nelyo aba bonse babikilepo amaka yabo yonse, balifililwe ukufumya icipushi.

Pakulekelesha, baileleta inama yakulekelesha iyali pa ng'anda, kwindi uwasulwa sana ukwisa bafwako. Kwindi ali umunono sana icakutula tabalesubila ukuti amaka yakwe kuti yapanga ubupusano muli uyu mulimo.

Lelo, ilyo kwindi aisanshishe mu mulimo, icipushi catendeke ukwima. Bonse pamo, bakwete amaka aya kwimya icipushi ukufuma pa mushili.

Inshita ishingwi abantu batila ukuti ili ilyashi lilanda pa mulandu waku bombela pamo, ico cishinka. Lelo lilalanda na pamulandu wa bukankala bwa kusanshiwapo amaka ya uyo uwa cepesha uumoneka uwabulwa amaka kabili umuntu uwasulwa sana ku bantu abengi. Cikope icikankala nganshi icilangilila amaka yengaba mu cipanda ca bena Kristu ulukuta lwine. Tontokanyeni pa mashiwi aya muli 1 Korinti 12:21-24:

Kanshi ilinso tekuti lyebe icisansa aliti, "Nshilekukabila iyoo!" Nangu umutwe tekuti webe amakasa auti, "Nshilemukabila iyoo!" Mu cacine, ifilundwa ifimoneka ukuti tafyakosa, ifi e filundwa tukabila nganshi. Kabili ifilundwa ifyo tumona ukuti tafyacindama, ifi e filundwa tusakamana nganshi. Elyo ifilundwa fya mubili ifituletela insoni, fyena tulafifwika bwino bwino. Nomba ifilundwa ifimoneka bwino fyena tatufisakamana. Ni Lesa ewapanga umubili icakuti ifilundwa ifikabila umucinshi, alefipeela umucinshi.

Umuntu onse alicindama kabili alingana fye na bantu bonse mu cipanda cakwa Yesu.

Bikeni Muku Cita!

Nga cakutula walikwata intungulushi, na bashili intungulushi, abantu 'abacindama,' na abantu 'abasha cindama' mwi Bumba Lyabumi nelyo mu mushi wenu, sendeni bonse mu mulinganya. Cindikeni abantu abamoneka abasuulwa ku bantu. Bakoselesheni, mu bapeeleko ifya bupe, muba totele pa lwalala pa mulandu wa bwafwilisho bapeela ku mulimo no kuibimbamo kwabo.


Pepeni ukutula:

- 1) Lesa ali nokumilanga ifyo mwa cindama ku cipanda cenu.
- 2) Intungulushi sha mu mushi wenu shili no kumikoselesha uku bombela pamo.



"Kuti camoneka kwati nalimo ifyo tulecita tafikwete amano ku bantu bamo kabili fyafye, lelo ine ndetila fikankala sana. File kuula imishi yesu, fileleta ukwaluka kwa mishi yesu, nangu file moneka ifinono sana."

- Gervas, Central Province, Zambia



Kuti camoneka kwati nalimo ifyo tulecita tafikwete amano ku bantu bamo kabili fyafye, lelo ine ndetila fikankala sana. File kuula imishi yesu, fileleta ukwaluka kwa mishi yesu, nangu file moneka ifinono sana:

dignityonline.org.uk/publications